

WAT IS DIE
BEGROTING?

Jaarliks, gedurende Februarie, kondig die Minister van Finansies die regering se spanderings-, belasting-, en leningsplanne vir die volgende drie jaar aan. Dit word die Nasionale Begroting genoem. Die Nasionale Begroting verdeel geld tussen nasionale departemente, provinsies en munisipaliteite.

BEGROTING FOKUS OP EKONOMIESE GROEI

Die 2014 Begroting fokus op ingrypings wat daarop gemik is om die ekonomie op 'n nuwe groeibaan te plaas.

Die Regering se hoofdoelmerk, soos in die Nasionale Ontwikkelingsplan uiteengesit, is om reële ekonomiese groei na tussen 5 en 6 persent per jaar te verhoog. Hierdie hoër vlak van ekonomiese groei sal inkomste 'n hupstoot gee en die regering in staat stel om die hoeveelheid geld te verhoog wat spandeer word om mense se lewens te verbeter, deur werkloosheid, armoede en ongelykheid aan te spreek.

Die ekonomie het teen 'n beraamde 1.8 persent in 2013 gegroei. Toestande in die land, tesame met die stadige herstel van die wêreld ekonomie, het 'n verlangsaming in produksie en indiensnemingsgroei tot gevolg gehad. Die ekonomie sal na verwagting met 2.7 persent in 2014 groei en 3.5 persent in 2016 bereik.

Verskeie faktore sal hierdie verwagte verbetering ondersteun. Besteding deur die Staat op infrastruktuur - na verwagting R847.3 miljard oor die volgende drie jaar - behoort vertraging in die voorsiening van elektrisiteit en vervoer

te verminder en privaat beleggings aan te moedig, terwyl sterker indiensnemingsgroei huishoudelike besteding sal ondersteun. Suid-

Afrika behoort ook baat te vind by verbeterde uitvoergeleenthede wat deur beter globale vooruitsigte geskep word.

WAT DIE BEGROTING VIR JOU BETEKEN

● NYWERHEIDSHULP

R10.3 miljard sal bestee word aan vervaardigingontwikkelings-aansporings; R15.2 miljard vir die ekonomiese mededinging- en ondersteuningspakket vir besighede; R3.6 miljard vir werkskepping in spesiale ekonomiese sones.

● WERKSKEPPING

Die regering streef daarna om in die volgende 5 jaar 6 miljoen werksgeleenthede deur die Uitgebreide Openbare werkeprogram te skep, teenoor die 4 miljoen in die vorige 5 jaar.

● BEKAMPING VAN KORRUPSIË

Werk deur die Hoof Voorsienings-beampte om die voorsieningstelsel te hervorm en te verseker dat geld met omsigtigheid bestee word, het in alle erns begin. Hierdie pogings is daarop gemik om korrupsie te bekamp.

● INFRASTRUKTUUR

Die regering is daartoe verbind om in infrastruktuur te belê wat lewensomstandighede verbeter. In 2014, byvoorbeeld, sal daar R11 miljard aan die Passasierspooragentskap betaal word vir nuwe treine en die opgradering van sinjaalinfrastruktuur.

● ONDERWYS EN OPLEIDING

Besteding op onderwys is hoër as enige ander kategorie. R78 miljard sal oor die volgende drie jaar aan universiteitsubsidies bestee word en R34.3 miljard vir die oprig van skole.

● LANDBOU ONDERSTEUNING

Die Landboubeleidaksieplan sal die NOP se mikpunt van werkskepping in die landbou ondersteun. Die regering sal meer as R7 miljard toelaes aan provinsies bestee om ongeveer 435 000 bestaansboere en 54 500 kleinboere by te staan.

‘ DIE VERWAGTE STERK GROEI IN SUBSAHARA-AFRIKA SAL HELP OM SUID-AFRIKA SE EKONOMIESE VOORUITSIGTE OOR DIE VOLGENDE DRIE JAAR TE VERBETER ‘

Die oprigting van nuwe en die opgradering van bestaande infrastruktuur - wat die uitbreiding van elektrisiteitsvoorsiening, belegging in geïntegreerde openbare vervoer netwerke en die rehabilitasie van die land se vyf groot wateroordragskemas insluit - is die middelpunt waarom die regering se beplanning draai.

Suid-Afrika sal ook voordeel trek uit die aktiewe uitbreiding van handel en beleggings in die Afrika-kontinent. Die verwagte sterk groei in sub-Sahara-Afrika sal help om Suid-Afrika se ekonomiese vooruitsigte oor die volgende drie jaar te verbeter. Die regering sal dus toenemend sy beleid rig om ekonomiese integrasie met die Afrika-kontinent te ondersteun.



1. Minister se boodskap
2. 20 Jaar van vryheid
3. Maatskaplike besteding
4. Maatskaplike toelaes



1. Primêre gesondheidsorg
2. Werkskeppingsinisiatiewe
3. Waar geld vandaan kom
4. Hoe sal dit bestee word



1. Belastingverligting
2. Kleinsake-ondernemings
3. Belastingtoegewings vir spaarplanne

HET JY HIERDIE
PUBLIKASIE NUTTIG
GEVIND ?
SMS Ja of Nee na
44112
50c per sms

WERKSKEPPINGS- INISIATIEWE

DIE REGERING ONDERSTEUN
WERKSKEPPING DEUR VERSKEIE INISIATIEWE:

UITGEBREIDE OPENBARE WERKE PROGRAM

Sedert sy bekendstelling in 2004, het hierdie program meer as 5 miljoen, hoofsaaklik korttermyn en deelydse werksgeleenthede geskep. Die volgende fase behoort 6 miljoen werksgeleenthede te skep.

GEMEENSKAPSWERK PROGRAM

Hierdie program verseker dat deelnemers twee dae per week kan werk, of agt dae per maand, met die hoofokus om plaaslike ekonomiese aktiwiteit te genereer.



INDIENSNEMING BELASTINGVOORDEEL

Bekendgestel in Januarie 2014. Die aansporing subsidieer die salarisse van nuutgewerfde werkers tussen 18 en 29 jaar.

NASIONALE JEUGDIENSPROGRAM

Die program lei die jeug op om vakmanne te wees in die infrastruktuur-omgewing.

WAAR DIE GELD VANDAAN KOM

BELASTINGINKOMSTE	2013/14	%
PERSOONLIKE INKOMSTEBELASTING	335,9 MJD	33,8
KORPORATIEWE INKOMSTEBELASTING	198,9 MJD	20,0
BTW	267,2 MJD	26,9
DOEANE BELASTING	81,4 MJD	8,2
BRANDSTOFHEFFINGS	47,5 MJD	4,8
ANDER	62,7 MJD	6,3
TOTAAL	993,7 MJD	100,0

HOEVEEL ONS LEEN/TERUG BETAAL

Suid-Afrika verkry inkomste deur belasting te hef. As die inkomste wat gevorder word minder is as die beplande uitgawes, leen die regering die verskil.

Vir die 2014/15 jaar, het die regering geraam dat belastinginvorderings R1.099 triljoen sal beloop terwyl uitgawes op R1.25 triljoen geraam is. Die regering sal dus R153.1 miljard van plaaslike en oorsese beleggers moet leen deur skuldbriewe uit te reik. As gevolg van die verswakking in belastinginkomste het die regering se skuld van 5.26 miljard in 2008/09 na R1.6 triljoen teen die einde van 2014/15 toegeneem.

Staatskuldkoste het aansienlik toegeneem vanaf R54.4 miljard in 2008/09 en sal R139.2 miljard teen 2016/17 bereik. Hierdie toename in die skuld las beteken dat meer geld gespandeer word om skuld te diens, in plaas daarvan om prioriteitsprojekte soos infrastruktuur, onderwys, gesondheid en werkskeppingsinisiatiewe te finansier.

Die regering is deeglik bewus van die risikos wat verband hou met hoë skuld en wil hê dat departemente meer doeltreffend met openbare fondse moet werk en vermorsing moet verminder.



VERBETERING VAN DIE GEHALTE VAN PRIMÊRE GESONDHEIDSORG

Die regering voorsien primêre gesondheidsorg kosteloos en ander gesondheidsdienste teen gesubsidieerde tariewe aan arm Suid-Afrikaners. Oor die volgende drie jaar sal die regering:

- 1 R77 miljard spandeer aan primêre gesondheidsorg en R240 miljard aan staats hospitale.
- 2 Die Kantoor vir die Nakoming van Gesondheidsstandaarde in 2014/15 bekendstel as 'n onafhanklike openbare entiteit verantwoordelik om gesondheidsfasiliteite te inspekteer.
- 3 'n Verdere R600 miljoen toeken vir die bekendstelling van die nuwe Menslike Papilloomvirus entstof, wat kanker van die serviks voorkom.

4 'n Verdere R1 miljard toewys aan die HIV/MGS voorwaardelike toekenning in 2016/17 om met die implementering van antiretrovirale behandeling voort te gaan. 'n Totaal van 2.5 miljoen mense is tans onder behandeling, en 500 000 nuwe pasiënte sal na verwagting elke jaar by die program bygevoeg word.

5 Infrastruktuur aan die loodsdistrikte wat die Nasionale Gesondheidsorgversekering implementeer versnel, sowel as die kontrakte van algemene praktisyns. R19.3 miljard sal bewillig word vir die opknop van klinieke en hospitale en R1.2 miljard vir die kontrakte van algemene praktisyns.



HOE SAL DIT BESTEE WORD



